

Cartas nordic

Un serie de photos de locationes in le pais nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2025

■ **Helsinki, Finlandia:** Ateneum es un museo de arte in le centro de Helsinki, in le vicinitate del station central ferroviari. Illo es designate del architecto Theodor Höijer e complite in 1887. Le belle facienda es decorate con statuas e relievos, create de Carl Sjöstrand e Ville Vallgren. Illo es anque adornate con le citation latin “Concordia res parvae crescunt”, que significa “Concordia face parve cosas crescer”. Le museo ha le plus grande collection de arte classic in Finlandia. Hic on trova toto inter picturas roco-co del 18ve seculo e moderne arte de hodie. Ultra arte finlandese de grande maestros como Albert Edelfelt, Akse-li Gallen-Kallela e Eero Järnefelt, il ha multe arte international de inter alia Paul Cézanne, Vincent van Gogh e Edvard Munch.

Texto e photo: Kenneth Platter

Questiones

1. A ubi debe on ir in Helsinki, si on vole visitar le Ateneum?

2. Explica le signification del motto del museo, per favor. Que vole illo communicar?

3. Que es un “facienda”?

4. Qual arte pote un visitator vider in le Ateneum?

5. Describe le edificio que tu vide sur le photo: su stilo, su characteristics – e su colores.
